



1740.




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1740 4° (LN 380)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1740 4° (LN 380)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1740 4° (LN 380)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1740 4° (LN 380)

PA BOX N^o 1740.



St. Jørgen



DE P
MINI E
& effe
rish

M.

Et &
CALVMN
fuerit as de

DE PERVERSO CALV-
MNIÆ VITIO, QVOD DELIRA
& effecta hac Mundi senectū in omnes gene-
ris humani societates valde grassatur;


Scripta

à

M. CAROLO GEORGIO BAN-
gio, Dano.


Gregorius.

Est & alia miseria in humanis, summum, inquam, hoc malum,
CALVMNIA, quæ sapientum maximè animabus insidiatur, genero-
sam ac densam illam virtutum syluam extirpare molitur.



WITEBERGAE
Excusa typis Simonis Gronenbergii

M. D. XCVI.



MAGNIFICIS ET CLARIS-
SIMIS VIRIS, NOBILITATE,
pietate & doctrina amplissimis, rerum usu & au-
toritate spectatissimis, Dominis PRÆLATIS &
Canonicis Lundensibus, Dominis & Me-
cœnatibus suis, perpetua obseruan-
tia colendis,

*Hanc oratiunculam consecrat
& dedicat*

M. CAROLVS GEORGIVS
Bangius, Danus.



1740.
ORATIO
DE CALVMNIA.

SI homo ineffabilem illam & stupendam dignitatem atque gloriam, ad quam à præpotenti Deo, rerum omnium opifice, initio conditus est, quantæque post protoplastorum lapsum in natura humana contigerit μεταβολή, quantisque miserijs & infortunij telis expositus sit, accuratiùs ponderaret & meditaretur: non sine gemitibus, ex imis cordis thalamis petitis, & amara doloris eiulatione clarissimū Solis lumen & admirandum Mundi theatrum aspiceret. Extra controuersiam est, hominem ad imaginem & similitudinem Dei creatum esse, ut Paulus ad Eph. perhibet: Vnde sanè hominis non vulgaris & abiecta quædam, sed veneranda, & ab omnibus animatis formidanda excellentia effulget. Quid quæso præstantius, quid iucundius, quid venustius de homine dici potest, quàm hominem cum suo Architecto in iustitia & veritate, in anima & omnibus corporis viribus & facultatibus veræ libertati, immortalitati, & rerum omnium dominio coniunctis residentibus conuenisse? Sed ubi nunc augustissima

A 2

sima illa Dei imago? insidiis & astu infensissimi
 nostri aduersarij, diaboli nempe, atque primorum
 nostrorum parentum in Deū inobedientia probo-
 lor ita deformata est & contemnerata: ut vix vesti-
 gium eius in natura hominis relictum sit, ita ut
 ubi prius illustris Dei notitia in intellectu viguit,
 in eius locum cæcitas & turpis Dei ignorantia suc-
 cesserunt: ubi prius promptissima erga Deum &
 eius sanctissimam legem obedientia, ibi nunc
 inobedientia & omnium virium detestanda & abominanda
 dominatur. Dolenda sanè, multisque lachrymis
 deploranda horribilis hac & tristissima in prestanti
 hac creatura pretiosorum donorum Dei amissio &
 σωματική, tamque effusa, & ad quodvis malum ex
 carnis infirmitate & satana suggestionem patran-
 dum propensa voluntas: Vnde manifestum eua-
 dit, nos non uni, sed innumeris discriminibus &
 πειρασμοῖς, dum in hac terrenorum hominum socie-
 ta- te vivimus, obiectos esse, acerbissimis miseriis in-
 tricari, perversi Mundi persecutiones & illusiones
 subire, pravis cogitationib. implicari. Insuper dia-
 boli insidias & nefarios insultus ad extremū vita-
 balitum perferre cogimur, qui haud uno momento
 nos

nostentare, & ad quævis flagitia in Conditoris nostri turpitudinem, propriamque perditionem impellere, intermittit: sed tanquam Leo rugiens oberrat, queritans, quem capere, suisque offucijs irretire & inescare valeat. Proque hominis natura hunc ad idolatriam & impium Dei contemptum, illum ad ἀπειθήματα & insolentem adversus progenitores & magistrum fremitum, alium ad incontinentes flagitiosarum libidinum flammæ, alium ad obscænas voluptatis illecebras, alium ad insanas & sanguineas altercationes, alium ad simultates & implacabile odium, alium ad turgidam animi elationem & stultam ambitionem, alium ad immoderatam cibi, potusque ingurgitationem, alium ad fraudulentam rerum alienarum suppilationem, alium denique ad impudens mendacium & subdolam Calumniam stimulare & inflammare conatur. Quæ quidem vitia, hac Mundi senescentis canitie, vitiorumque cæno obruta, adeò frequentia & in quovis vico celebria sunt: ut non vitia, sed virtutes censeantur. Luctu ergo potius, quàm calamo excipienda, & deploranda magis, quàm decantanda reor. Quorum tamen ultima inter comme-

morata, Calumnia nempe, atrocissimi hostis nostri
fœtus, humanique generis pestis tristissima, qua hoc
nostro exulceratissimo seculo valde grassatur, &
optimos quosq; venenatis suis spiculis impetit, mihi
aliquando ansam de se verba faciendi præbens, à
me, aspirante diuina clementia, pro ingenij tenui-
tate, & temporis huius ratione, ex sua natura &
idioris describetur, ut eius cognita & perspecta
improbitate, eam tanquam periculosissimam
Charybdin, in qua non rei, sed salutis & spei ia-
cturam facere possumus, commodius & diligentius
fugiamus. A vobis, humanissimi auditores, submis-
se contendam, ut mihi de rebus gravibus dicenti exi-
gui temporis usura largiri & benignis auribus au-
dire dignemini: Omnipotentem Deum Patrem Do-
mini nostri IESU CHRISTI intimis suspirijs oro,
ut huic inchoata tela, conatuque Spiritu suo san-
cto adesse dignetur.

De calumnia verba mihi facturo occurrit egre-
gium illud & lectu dignissimum Diui Iacobi cap.
tertium, in quo de bonis & malis, qua à lingua, tan-
quam scaturigine, promanant, differit, omnibusq;
pijs misericordia Dei in filios per Christum ado-
ptatis, ad vitæ sanctitatem electis, per Euangeli-
um

um ad regnum Christi vocatis, Christo per baptismum implantatis, remissione peccatorum per eiusdem ^{ἀποστολῆς} donatis, autor est, ut linguam suam compeſcant, calumniam, mendacium & alios temerarios ausus, ad crebram iram Deum irritantes, proximum offendentes, veneni & pestis instar, vitent. Quod ut facilius impetret, omnesque in suā sententiam pertrahat: similitudines aliquas, quibus commoveamur, ab animatis & inanimatis rebus ductas, in medium proponit. Ecce, inquit, equis frena in ora mittimus, ut pareāt nobis, & totum corpus illorum agitamus: Ecce naues cum magna sint, & à ventis validis moveantur; circumaguntur à minimo gubernaculo, quocunque impetus dirigentis voluerit: ita quoque & lingua modicum quidem membrum est, & magna efficit. Ecce exiguus ignis quā magnam sylvam incendit, & lingua velut ignis est & summa iniquitatis. Lingua constituitur in membris nostris, quæ maculat totum corpus, & inflammat rotam civitatis nostræ, inflammata à gehenna. Omnis enim natura bestiarum & volucrum & serpentum & cæterorum domatur, & domita est à natura humana: Linguam autem nullus hominum domare potest: malum, quod coërcere non potest, plenum est

ORATIO

veneno mortifero. Per ipsam benedicimus Deo & Patri, & per ipsam hominibus maledicimus, qui ad imaginem & similitudinem Dei facti sunt, ex eodem fonte procedit benedictio & maledictio.

Quibus Apostolus innuit, solummodo hoc instrumento omnes humani generis societates regi & gubernari. Hoc salutaris DEI doctrina in Ecclesia docetur & propagatur, hoc mendacia hereticorum schismata disseminantur, hoc Deus inuocatur & celebratur, hoc peccatorum remissio annunciatur, hoc iuuentus in humanioribus literis & bonis moribus instituitur, hoc vota fiunt, hoc infaustra voces iactantur, hoc leges figuntur & refiguntur, hoc caussa euentilantur, hoc consilia communicantur, & ut uno verbo dicam, hoc omnia negotia, commoda & incommoda demandantur & expediuntur. Et Salomon linguam ^{ap. 21} ^{28.} ^{vop,} quo plurima mala creantur, agnoscens, eam refrenandam docet: Qui custodit os suum & linguam suam: custodit ab angustiis animam suam. Et Ecclesiastes inquit: Aurum tuum & argentum tuum conflagra & verbis tuis facito stateram & frenos ori tuo rectos, & attende, ne forte labaris in lingua, & cadas

cadat in conspectu inimicorum insidiantium tibi, & sit casus tuus insanabilis in mortem. Verum ut quantum sit malum calumnia, exactius cognoscamus: definitionem eius, quæ rei naturam ex causis & effectis perspicua quadam rotunditate explanare solet, subiungam. Deinde, quàm gravis sit Calumnia morsus, ostendam. Tertiò sententias, dictas & exempla ex Theologia & Philosophia penu deprompta, ab hoc nos periculoso animæ scopulo dehortantia, adducam. Ultimò Pharmaca, quibus Calumnia spiculis ictus erigatur, cum succincta ad veritatem amplectendam παραίνεσις, adferam.

Calumnia igitur, ut eam Lucianus in oratione περί διαβολῆς definit, ὅτι κατ' ἁγορεύει τις ἐξ ἐγκρίας γιγνομένη, τὸν κατ' ἁγορεύμενον λεληθῆα, ἐκ τοῦ μονομερὸς ἀνάντιλέκτως πεπίστυμένη, hoc est, Calumnia est accusatio quædam e mentita odio, clam reo Calumniatori credita, delato non ad respondendum ac refellendum admissa. Hæc definitio ante omnia peruersissimam calumniæ naturam ita depingit, ut de ea perhibere cuius haud difficile sit: Quòd enim diabolus patrem & autorem habeat, ut vox græca διαβολῆς conuincit, luce meridiana

B

cla-

clarius est: August. dicit: Quis non videt calumniā
mendacij sororem, fama & vitæ nostræ insidiantē, à
diabolo esse? Vt autē ille in veritate nō stetit, quem-
8. admodum Christus de eo pronunciat: ita neque ve-
ritati patrocinium præstat, sed vana mendacia se-
rere, & dolosis suis imposturis mortales inescare
enixè laborat. Protoplastorum nostrorum animum
insidiosè à Deo abalienauit & abstraxit, deque vo-
luntate eius falsas opiniones ipsis instillauit, ut,
Dei pōsthabito decreto, sceleratis eius technis locum
dederint: ita adhuc tristia mendacia, vanas suspi-
ciones de innocentibus spargere, vitæ & fama eorū
insidiari, pia pectora Cimmerijs tenebris & errori-
bus inextricabilibus inuoluere non desinit, sed omni
hora momento cum fœtu suo scelestissimo, Calumnia
nempe, in optimos quosq; de Ecclesia Christi & Re-
pub. benemeritos crudeliter debacchatur, eosque in
extremum discrimen deductos internecioni dare
conatur. Simili modo hoc nostro exulceratissimo se-
culo, proh dolor! integros quosque, & ab omni turpi-
tudinis labe animum auersum habentes, in inuidi-
am & asperrium odium rapit, ut verè Socrates
11. Pl. dixerit: Non Melitus, neque Anytus me peri-
ment,

ment, sed multorū calumnia & inuidia, quæ mul-
 tos alios quoq; peremit hactenus, & ut arbitror, ^{tone}
 perimet. Sed quid dicam? Nullus est adeo inculpa- ^{Apo}
 ta vita in tota rerum vniuersitate, quem non ali- ^{gia.}
 cuius criminis insimulet. Nam calumniator, qui al-
 terius vitā & prosperum fortuna flatum indignè
 fert, mendaciū, periuriū & obtestationem in procin-
 ctu habet, suūq; miris modis animū & orationem
 torquere, & ad audientium ingenū accommodare
 nouit, ut quæcunque temerariè & subdolè de alio
 profert, sincera proficisci mente credantur. Et quā-
 uis obtrectandi materia non succurrit: mentem ta-
 men bonam, mali nihil meritam, sibi odiosam ob-
 strigilare & Theonino dente carpere non veretur.
 Et ut Bernhardus ait, Si pauper es, vilem & abie-
 ctum: Si diues, ambitiosum: si eloquens, rabu-
 lam: si taciturnus piscem: si ieiunas, hypocritam:
 si comedis, lurconem: si sedulò officium facis, osten-
 tatorem & popularis auræ cupidum: si vel in
 minima ab eo religione dissentis, hæreticum, schi-
 smaticum, impium & blasphemum te crimina-
 tur. Atque ita Calumniator serpentum naturam
 repræsentat: Vt enim serpentes mellea ingesta in

ORATIO

lethale virus commutant: ita Calumniator quæ
laude digna sunt vellicare & denobilitare solitus
est, ut falsa & plausibili criminatione absenti o-
dium & invidiam conflare valeat. In quam sen-
tentiam sic Cleanthes ait: Nihil ferè tam est ma-
lignum quàm Calumnia: hæc enim ubi clam ali-
quem à se persuasum decepit, odium excitat ad-
uersus eum, qui nihil meritus est. Capnio calu-
mniatoris animum declaraturus, dicere solitus
erat, eos, qui temerè omnes reprehendunt, & ver-
borum acerbitate insectantur, similes esse muscis,
quæ omnia contaminant & nihil prosunt. Silentio
non inuoluendum, quomodo simulatum calumnia-
toris animū Bernhardus fucatis suis coloribus de-
pingit: Calumniatores, inquit, conceptam maliti-
am quodam simulata verecundia fuco, quem reti-
nere non possunt, adumbrare conantur: Videas à
calumniatore alta suspiria præmitti, sicq; cum qua-
dam gravitate & tarditate, vultu mæsto, demissis
supercilijs, & voce plangenti egredi maledictio-
nem, & quidem tantò plausibiliorem, quantò cre-
ditur ab his, qui audiunt, corde non inuido, sed
condolenti magis affectu, quàm malitiosè proferri:

Do-

Doleo, inquit, pro eo vehementer: quòd eum satis diligo, & nunquam potui hac de re corrigere eum: Et aliàs bene mihi compertum fuit de eo illud, sed per me nunquam innotuit: ac quoniam per alium patefacta res est, veritatem negare non possum, reuera ita est. Nō ergo immeritò David calumniatoris linguam flammis, sagittis, gladijs comparat, inquit: Filii hominum, dentes eorum arma, sagitta, & lingua eorum gladius acutus. Quod etiam Thearidas Lacon festivo quodam responso innuit, cum gladium fortuitò cote acueret, rogatus à quopiam, num esset acutus: acutior, inquit, calumniatoris lingua est, significans, nihil peius excogitari aut nominari calumnia posse.

Quid proinde, quaeso, Christiano homine indignius? quid exitiosius? quid denique maiori cum discrimine coniunctum est, quàm illud admirari & summo studio amplecti, quod in omnem turpitudinis labem, odium, reprehensionem, & extremum vitæ periculum hominem deducere valeat? Verùm cum multis praeclarissimis donis præ ceteris animantibus solus homo polleat: quis sana mentis nobilif-

simam illam Filii Dei IESU CHRISTI, qui veritatis fons est, imaginem in calumniatoribus extinctam & deletam esse, & crudelissimi eos rursum diaboli, calumnie patris, larvam tristissimam induisse non videt? Qui omni hora momento nil aliud, quam innocentem proximum, satana more, sugillare, & ei ignominie labem aspergere conantur. Vbi autem ijs alios mordere non contingit, vita tristissima est, & mortem satius appetere, quam linguam à calumnijs cohibere iudicant. At si quem forte, spretis pestiferis eorum nugis, pie vitam traducere volentem conspexerint: eum virulenta lingua impetere, sibilisq; conscindere haud desinunt. Sed dolenda est tanta in huiusmodi hominibus mentis caligo, tam peruersum ingenium, tam preposterarum aliarum cura, ut neglecto & fastidito Dei decreto, diabolum, Dei & omnium piorum hostem infensissimum, sectentur, ipsi morem gerant, & eius nugamenta colant, & venerentur: huc studia, conatus, cogitationes denique referant omnes. Quid queso de huiusmodi satana simijs statuendum est? Quid suo calumniandi studio lucrantur, quam iram Dei, piorum hominum odium, & tandem aternas pœnas?

pœnas? Certò sibi persuadeat Calumniator, Deum aliquando lingua intemperantiam grauitè vindicaturum, & quamuis apud se ad tempus videat, gaudioque tanquam in re bene gesta subsultet: in horribilem tamen iram Dei, iustumq; iudicium incurret. Ecclesiastes dicit, pessimam deuotionem Cap. 1 super bilinguem, & odium, inimicitiam & contumeliam super susurratorem. Et in prouerbijs dicitur, Cap. 2 abominationem hominum detractorem esse.

De teterrimo idcirco hoc vitio Luciani venustissimum libellum, περι μὴ γὰρ ὡς τῆ διαβολῆς πεινῶν, omnes veritatis studiosi legant, in quo de Apelle apud Ptolemaeum regem delato, & quo pacto idem calumniam ultus sit, agitur, cuius etiam actus argumentum strictim hic attingere haud inconueniens duxi.

Apelles, Ephesus pictor celeberrimus, apud Ptolemaeum regem, coniurationis, quæ in Tyro, autore Theodota, facta erat ex calumnijs Antiphili, qui artis, gratiaq; Apelleæ amulus erat, reus esse insimulabatur, autòrque defectionis Pelusij. Rex non animaduertens, Calumniatorem Apelleæ artis amulū esse, supra modum excanduit, Apellē ingratum,

ORATIO

tum, perfidum, violat & maiestatis reum, insidiatorem coniuratum clamat: Ac nisi quispiam è socijs coniurationis, qui capti tenebantur, & audax Antiphili scelus stomachatus, & infelicis Apellis misertus: nihil ei commune cum seditiosis fuisse, probasset, procul dubio Tyrriorum malorum pœnam, capite mulctatus soluisset, etiamsi nihil sibi malè conscius. Ptolemæus igitur, collecto animo, sententiam mutauit, Apellem talentis centum donauit, addito in seruitutem Antiphilo calumniatore. Appelles verò, in periculi memoriam, tali est imagine atque pictura calumniam vultus: Ad dextram cōsidet quispiam, auribus praelongis insignis, quales Midæ feruntur, manum porrigit procul accedenti calumnia: circumstant eum muliercula duæ Ignorantia & Suspicio. Accedit aliunde admodum bella mulier, vultu ipso & gestu corporis efferam rabiem & iram, æstuanti pectore conceptam, præse ferens sinistra facem tenens flammiuomam, dextra iuuenem, capillis prebensum, in cœlos suspicientem, deosque suæ innocentia testes inuocantem, rapit. Hanc vir pallidus acie oculorum minimè hebeti, ceterum planè ijs similis, qui sontico aliquo morbo

con-

contabuerunt, anteit. Pedisseque verò **INSIDIÆ**
 & fraus, quarum munus est dominam hortari, in-
 struere, comere, sequuntur: A tergo lugubri habitu,
 pullata, lacerataq; pœnitentia subsequitur, quæ capi-
 te, in tergum deflexo, cum lachrymis ac pudore procul
 venientem veritatem excipit.

Ex hac periculi *Apellis* commemoratione, calu-
 mniæq; deliniatione quilibet, velut in speculo, puer-
 sam calumnie naturam & tristissimum effectum a-
 nimaduvertere & assequi potest, quæ non solum alijs
 officit & fraudi est, sed etiam ipsi, à quo profecta, pe-
 riculum saepe facessit, & summam calamitatem im-
 portat, ut *Diuus Hieronymus* ait: Sicut sagitta, si
 mittatur contra duram materiam, nonnunquam in-
 mittentem reuertitur, & vulnerat vulnerantem:
 ita Calumniatoris lingua saepe periculum, quod alte-
 ri parat, in proprium conuertit caput. Hoc puer-
 sum autem & impium propositum, alterius nempe
 famam & existimationem turpi labe inficere, quàm
 plurimi non modo habent, sed etiam assentationis ar-
 tificio, nulla veritatis & virtutis habita ratione, ad
 aliorum ingenium, voluntatem, nutus, simulato amo-
 re & gratificandi studio orationem accommodant,
 pleno ore illos, sed falsò plerunque, laudibus ad astra

C eue-

euehentes, aliud in sermone, moribus & gestibus præseferentes, quàm in animo reconditum gerunt. Vt Gnato ille Terentianus, qui ventris & commodi sui gratia Thrasoni se applicans, singula eius facta & dicta, quamuis à virtute aliena, admiratur & prædicat. De his Antisthenes ait, satius esse in coruos, quàm in adultores incidere: illi enim mortui corpus, hi verò viuentis animũ corrumpunt. Et Phauorinus dicit: Quemadmodũ Actæon à suis canibus laceratus est, ita adultores eos, à quibus cibatur, pessundant. Curtius inquit: Regũ opes sæpius assentatio, quàm hostis euertit. Et August. Duo sunt genera persecutorũ, vituperantium scilicet & adulantium; sed plus persequitur lingua adulatoris, quàm manus persequentis. Hæ enim adulationes, nostra hac tempestate in maligno posita, nimis vsitata & crebra sunt, & præsertim in Regum, Magnatum, aliorumq; magnæ autoritatis virorũ edibus, quorũ animũ Syreneis suis blanditijs, & dolosis palpitationibus ita demulcere & flectere norunt, ut quicquid velint, impetrent. Sed gnauiter sibi quisq; ab hac hominum fece caueat, sermones quoque assentatorios auersetur, operamque det, ut cordi & cerebro lingua, quibus à Deo coniuncta est, congruat, quod Christus præcipit, dicens:

Sit

Sit sermo vester Est, Est: Non, Non. De simulato^M
 & fucoso animo grauisima simul & notatu di-
 gnissima Achyllis ad Vlysssem apud Homer. Iliad. 1. Ili.
 extat responsio:

ἰχθὺς γὰρ μοι κενὸν ὁμῶς αἰδᾷτο πύλητιν,
 οὐκ ἔτι φορ μὲν κεύθει ἐνὶ φρεσίν, ἄλλο δὲ βάζει:

Quae ita latine reddita est:

Odi etenim, ceu claustra Erebi, quicunq; loquuntur
 Ore aliud, tacitoque aliud sub pectore claudunt.

Bias septem sapientum unus, interrogatus,
 quod animal omnium pessimum, respondit: Inter im-
 mitia est Tyrannus; inter mitia verò Adulator.
 Sapientissima sanè responsio est: Tyrannus enim o-
 mnes bestias feras immanitate vincit, siquidem ad
 violentiam & crudelitatem multos ministros &
 longas manus habet. Adulator verò omnes man-
 suetas bestias suis technis & insidijs superat. Re-
 ctè itaque Solon principis alicuius seruo in manda-
 tis dedisse fertur, ut principi suo consuleret, ne dul-
 ciora, sed optima consilia sequeretur. Et Salomō ait: Pro.
 Qui corripit hominem, gratiam postea inueniet apud
 eum magis, quàm ille, qui per lingua blandimen-
 ta decipit. Porro duo praesertim perhibentur

C 2

esse

esse, quæ sermoni nostro ornatum addere, & beneuo-
 lentiam conciliare solent, Gratia nempe & Oppor-
 tunitas. Gratia καὶς facit, ut non temerè quic-
 quid in buccam venerit, aut quicquid nobis secreto
 concreditū fuerit, effutiamus, neq; insolenter in ali-
 quem virulenta linguæ spicula vibremus: sed vera,
 pia, & necessaria loquamur: obscæna, leuia, scurri-
 lia, obtrectiones, quæ in virum bonum minimè ca-
 dunt, fugiamus, & ut tantus in nobis sit veritatis
 & candoris ardor, ut quicquid dixerimus, iuratum
 putemus. Opportunitas verò siue καὶρὸς facit, ut tem-
 pestiuè in verba erumpamus, quod Sirac. docet: Au-
 di tacens. & pro reuerentia accedet tibi bona gratia.
 Adolescens loquere in tua caussa vix cū necesse fue-
 rit: Si bis interrogatus fueris, habeat caput respon-
 sum tuum, in multis esto quasi inscius, & audi tacens
 simul & querens. In mediomagnatū non loqui præ-
 sumas, & ubi sunt senes, non multum. Isocrates:
 Δύω ποιεῖ καὶρὸς τῷ λέγειν, ἢ περὶ ὧν οἶδα σαφέως, ἢ περὶ ὧν ἀναγκᾷ
 εἰπεῖν: ἐν δὲ αὐτοῖς ἀμεινονοσιγᾶν, ἢ λέγειν. h. e. duas fac loquen-
 di opportunitates, aut de ijs, quæ bene nosti, aut de
 quibus necesse est dicere: in alienis melius est tacere,
 quàm loqui. Et Euripides ἢ σιγᾷ, ἢ λέγει τι τῆς σιγῆς κρείττον.
 Plutarch. inquit: Magna sapientia est tempestiuum
 silen-

silentium, & omni sermone præstantius. Et Simonides dicere solitus fuit, nunquam se poenituisse, quod tacuisset, sed sæpe quod esset locutus. Sapiens etiam est præceptum Demetrii Phaleræi apud Stobæum: Obsigna verba tua silentio, silentium autem occasione. Seneca: Auribus frequentius, quàm lingua utere.

Sed quid ad dictum vulgare: Calumniare audacter, semper aliquid hæret, quod apud Plutarchum extat, respondebimus? Medius, qui chori adulatorum penes Alexandrum Magnum velut princeps & præceptor fuit, audacter alios calumnijs vexare & mordere iussit, docens, quod etiamsi hylcus sanatum fuerit, cicatrix tamen calumnie maneat. O impiissima & homine indigna consultatio, quam verè à nefario calumnie parente diabolo hausit. Sunt enim non modò illustria doctissimorum virorum testimonia, verum etiam sacra Scriptura, orthodoxa Ecclesia, sanctissimorum patrum firmissima, maximeq; solida dicta, uni medio repugnantia, ut si in unum omnia aliquis colligere vellet, chartæ citius, quàm sententiæ deficerent, quorum tamen aliqua, maximeq; celebria recensebimus. In libro Levit. scriptum est: Non facies calumniam proximo tuo. Et in eod. Non mentiemini, nec decipiat unusquisq; proximum suum,

6. non eris calumniator, nec susurro in populo. Sira-
cides inquit: A tribus timuit cor meum, & à quar-
to facies mea metuit: delatorem ciuitatis, colle-
ctionem populi, & calumniam mendacem. Lu-
cas: Neminem concutiatis, neque calumniam
c. 3. faciatis. Diuus Paulus: Deposito mendacio, loqui-
mini veritatem, quisque cum proximo suo, quoniam
4. inuicem membra sumus. Diuus Iacobus: Nolite de-
trahere alterutrum, fratres mei: qui detrahit fratri,
aut qui indicat fratrem, detrahit legi, & indicat le-
gem. Et Diuus Hieronymus inquit: Nulli, inquam,
omnino detrahas, & si aliorum vituperatione lau-
dabilis videri velis, magis tuam ornare vitam
disce, quàm aliorum carpere. Ac semper memor esto
Scripturæ dicentis: Noli diligere, detrahere, ne era-
diceris. Pauci enim sunt, qui huic vitio renunciant.
Nec nobis sanioris Philosophiæ sententiæ ab hac pe-
riculosissima Charybde omnes pios dehortantes, de-
sunt, quæ etiam eum, qui faciles criminibus aures
præbet, non minorem mereri culpam, quàm qui talia
spargit, asserunt. Nam, Isidoro teste, non solum ille
reus est, qui falsum de alio profert, sed & is, qui ci-
tò criminibus aurem offert. Oportet enim omnes pios
tam candidos esse, & minimè suspiciosos, ut nō liben-
ter

ter

ter de aliquo malè loquantur, nec alios malè loquen-^{de l}
tes audiant. Et huc pertinet, quod Plato præcipit: Id ^{lib}
unum præcipuè omnes eniti oportet, ne unquam fu-
cati, aut insynceri erga aliquem esse videantur, sed
ut semper simplices ac veraces. Et Thucydides: Non
decet calumnias neq³ alijs narrare, neque audiendo
suscipere. Quantum ergo scelus utrumq³ sit & calu-
mniari, & calumnijs locum dare, non tam ex addu-
ctis dictis & sententijs, quàm ex sequentibus perspi-
cium fit. Deus in lege sua proximi dilectionem nō si-
mulat, sed quæ à puro & sincero corde proficiscatur,
præcipit: Dilige, inquit, proximum tuum, perinde ^{Leu}
atq³ te ipsum. Et Diuus Iohannes in priori sua epi- ^{Mat}
stola docet, Deum summum veri amoris incendium ^{1. lo}
esse, nōsque non fucoso amore, sed paterno complecti,
& in nobis per Spiritum S. suauissimas amoris flam-
mas erga ipsum & proximum accendere. Qui igi-
tur hos amoris estus, inuidia, mendacio, calumnia,
aut alijs grauib³ delictis non extinguit, sed fide-
liter in cordis capsula fouet, is Dei domicilium factus
est, in ipso manet, & habitat Deus cum omnibus suis
donis, quibus eum cohonestat, ipso delectatur, ei adest,
inq³ illo sanctissimum dilectionis calorem perpetuò
conseruat. Econtrario inuidi, mendaces, calumnia-
tores

tores proximum odio habentes, vitæ, fame & fortunæ eius insidiantes, in diabolo, quæ imitantur, manent, & ipse in ijs, ita ut ipsos rectius diabolos, quàm homines nuncupare possis.

Propterea omnibus pijs summè necessarium est, ut ab hoc inferni scopulo, in quem facile impingere possunt, vitæ suæ cursum declinent, exempla piorum sibi potius imitanda proponant, quàm blateronum, & nullius frugi hominum, qui, quicquid in buccam venerit, effutire, vel quicquid fortuito ab alijs Syco-phantis acceperint, credere, & ad proximi infamiam transferre, nulla Christiana charitatis habita ratione, non verentur. Et inter alia sanctissimi regis Davidis exemplum respiciant, qui suum de calumniatoribus iudiciû omnibus gubernatoribus commendat, inquit: Detrahentè secretò proximo suo, hunc perdam. Calumniam enim noxium quoddam diaboli venenum, quo Christi Ecclesia coinquinatur, Regum animi ad furoris fulmina provocantur & exacerbantur, & familia labefactantur & pessum eunt, novit David. Omni etiam laude dignum est factû
 10. g. 20 Ionathæ, filij Saulis, impium statuentis in fontem calumniis proscindere, quare non sine summo periculo Davidem apud patrem suum in illius necem intensi-

sissi-

sisimum, & cedis socios undique conquirentem excusat: & Alexandri Magni, qui cum Medicus Philippus nomine familiariter ipsi iunctus, à Dario corruptus esse diceretur, ut Alexandrum toxico tolleret, nec sibi insidias ab eo sirui credidit, nec postea diffidere voluit. Non minorem laudem Sigismundi Imperatoris factum meretur, qui adulatori cuidam supra modum ipsum in os laudanti, dijsq; similem esse affirmanti, alapam impegit, exclamavit adulator: cur me cedis Imperator? Respondit Sigismundus: cur me mordes, Adulator?

Si hac & similia exempla quilibet gubernator sequi, quantæque malorum seges ex obrectatorum sycophantijs & calumnijs succrescere soleat, perdere vellet, ijs non tam faciles aures præberet. Haud raro accidit, ut γλωσσογαστρος & κομποφκελορρήμονες optimis quibusque viris & iuuenibus, quorum virtutes nec imitari, nec amulari possunt, suis sycophantijs apud Reges, Principes, Magnates & præfules exitium machinentur pessimum, eorumque animos ita effascinent, ut furiales pestes summo complectantur favore, beneficijsq; prosequantur maximis: Contra
D eos,

eos, qui suis consilijs optimis, synceris officijs, indefesso studio & feruida solertia toti patriæ consulunt, exterminant, bonis & dignitate spolient, & eis nullas auxiliares manus porrigant. Quod Belisario Duci, optimè quidem de Iustiniano Imperatore merito, accidisse legimus. Itaque quicumque Magistratus sibi & subditis suis bene consultum cupit, is presentissimam pestem calumniatores & adulatores fugiat, & ab hac improborum hominum fece tum familiam, tum Rempub. quo poterit studio & labore, repurget. Apollonius rogatus à Rege Babylonia, qua ratione imperio quieto frui posset? respondit: Si paucis credideris. Voluit autem significare, nihil in administrando regno deterius esse, quàm calumniatoribus faciles aures præbere. Diuus Augustinus, maledicam delatorum linguam summoperè exosus, mensæ suæ hoc distichon inscripsisse fertur:

Quisquis amat dictis absentum rodere vitam,
Hanc mensam vetitam nouerit esse sibi.

Haftenus quàm potui breuissimè ostendi, quod, quantum, quale malum sit calumnia, quàm Deo detestabilis & inuisa sit, quàmque homini Christiano

stiano pernicioſa & indigna, adeò ut eum Timonē
 & verè ^{μισαθρονον} dixerim, qui huic patrocinari ve-
 lit. Verùm cum boni & præſtantis Medici ſit, non
 modo vulnus reſecare, ſed & ^{ἡπια φάρμακα εἶχε} (ut cū
 Homero loquar) ita neq; meo, mihi me perfuncturū
 officio ſatis videor, qui hætenus commune malum
 vulnus quaſi refricando ſuccinctè oſtenderim, niſi
 quòd & tanto malo facilè mederi poterit, conueni-
 ens medicamentum ſimili breuitate oſtenderim.
 Verùm graua ſunt fama vulnera, quam diligen-
 ter quemque, ut monet Auguſtinus, cuſtodire, & à
 maledicorum morſibus vindicare oportet, ni & in
 ſe, & in poſteros iniurius eſſe velit. Eccleſiaſt. Ca
 dicit: Curam habe de nomine bono, quia magis per-
 manet, quàm mille theſauri pretioſi & magni, &
 bonæ vitæ numerus dierum: bonum autem nomen
 in æternum permanet. Et Liuius fama & fidei lib
 maiora damna affirmat eſſe, quàm ut eſtimari poſ-
 ſunt. Idcirco præſentiſſimo aliquo pharmaco hoc ma-
 lum propulſandū & leuandū eſt. Quis non animo
 ringitur, qui cum ſit ſibi recti conſcius, nil tamē præ-
 ter calumniā & diram maledicentiam reportat. Sed
 cui tale acciderit, ante omnia conſcientiæ teſtimonio

D 2 dolorem

1.1. *dolorem suum leniat cum Paulo dicente: Hæc est
 gloriatio nostra, testimonium conscientia nostra.
 Hoc conscientia testimonium ad animos piorum
 confortandos & erigendos, plus quàm Zoilorum
 & Sycophantarum calumnia ad deiiciendos vale-
 re debet. Deinceps in memoriam piorum ex-
 empla, calumnia spiculis ictorum, reuocet, qui et-
 iam si de ingrato mundo optimè meriti sunt, pes-
 simam tamen gratiam reportarunt, ut Prophe-
 tarum, CHRISTI, Apostolorum, qui tanquam
 περὶ ἡμᾶς & κατὰ ἡμᾶς condemnata habebantur: de-
 nique & aliorum piorum virulenta lingua op-
 39. pressorum, ut Iosephi, falsò ab impia Potipha-
 ris uxore, quòd turpissima petitioni eius reclamà-
 3.16. rit, delati: Mephiboseti à seruo suo scelesto Siba
 12. apud Dauidem accusati: Susanna, Danielis,
 6. Nabothi iniuste ab Achabo Rege Samaria, quòd
 21. vineam suam ei concedere noluerit, è medio sub-
 lati. Item, Palamedis calumnia Vlyssis lapidibus
 fr. obruti, Socratis, Aristidis, Themistoclis, &c. quo-
 rid. rum necis historias hic commemorare tediousum fo-
 ret.*

Cum

Cum ergo infensissimi nostri hostis Diaboli lethiferis telis in hac vita semper expositi simus, tantaque nostra natura infirmitas sit, ut sine Dei & Angelorum presidio nequaquam ea evitare valeamus: a Deo patientiam & constantiam expetamus, contra Diabolum & impuros homines. Quis non videt, quam directe Satan sua tela iaculetur in Calumniatores, cum propter dolosam & venenatam linguam, Dei et angelorum ope destituantur. Novit enim recte, castissimum Dei Spiritum tam foetido atque squalido minime hospitio gaudere, illasque tenuissimas arbitrij humani vires, post peccatum in homine relictas, ad prestanda virtutum officia in hac mortali vita ultrò esse prostratas. Quare nec ille occasionem tam ostentatam, tam commodam, tamque optatam negligit, verum præsto est, hominem ad varia crimina, prout eius naturam, ad hac vel illa pronam, maximeque proclivem senserit, incitans atque inflammans. Omnibus etiam pijs consultissimum esse duco, ut præ oculis non solum quasi depicta Calumnia tristissima effecta, sed etiam horrendas pœnas quibus eius Sectatores affliguntur, habeant. *ἐχάριναι σωματός, teste Euripide, τὸ τέλος δυστυχίᾳ.* Et He-

rodotus ait, τῶν μεγάλων ἀδικημάτων μεγάλαί εἰσι καὶ τιμωρίαι
 παρὰ τῶν θεῶν, h. e. *Deus magna scelera magnis pœnis*
punit. Cuiusmodi multa dicta in historijs & po-
ematis verbo Dei haud dissona inuenias. Salomon
ap. dicit: Qui inconsideratus est ad loquendum, sen-
tiet mala. Et alibi dicit: Time Dominum, fili mi,
& regem, & cum detractoribus ne commiscearis,
quoniam repente consurget perditio eius. Siraci-
des: Obtrectator polluit animam suā, & vicissim
afficietur ignominia. CHRISTVS IESVS Sal-
uator noster Diabolum mendacij patrem appellat,
cuius filij Calumniatores mendacium exosculan-
tes ab Ambrosio perhibentur. Infernus autē diabo-
li hereditas, quare & calumniatores iure heredi-
tario eius loci sibi partem vendicare possunt, si-
quidem filijs patris hereditas debetur. Exempla
præterea punitæ Calumniæ passim in sacris & pro-
phanis literis obuia sunt, ut hic ea resumere nō ne-
cessariū iudicē. De Amone, Mardochei vitæ & for-
tunis insidias struente, legatur historia Esther, qui
tandē in eodē patibulo suspensus est, quod Mardo-
cheo erigi curauit. De pœna duorum seniorum, pu-
13. dicitiam Susannæ expugnare conantium, eamque
 fru-

frustrata fortuna Calumnijs opprimere volentium,
 cognoscatur Propheta Daniel. De Satraparum
 Calumnijs, Danieli Propheta fraudulenter mor-^{Cap}
 tem apud Regem Darium molientium, deq³ pœnis
 ijs irrogatis idem euoluatur. Persæ tanto verita-
 tis zelo flagrârunt, quòd ter in mendacio depre-
 henso silentium perpetuum imposuerint, & ab o-
 mnibus politicis & honestis negotijs talem planè
 exploserunt & repudiârunt. Inq³ liberorum suo-
 rum educatione iidem hoc imprimis observari vo-
 luerunt, ut veritati assuescerent, & à mendacio
 linguam temperare discerent. Artaxerxes, eius-
 dem populi Rex, tanto odio mendaces & calumni-
 atores persecutus est, ut trisulco clauo calumnian-
 tium linguas transfodi, paloq³ affigi curârit. Plu-
 ra malè mulctata calumnia exempla in historijs
 observantur. Si enim, quanta sit malorum seges
 Calumnia, quamq³ tragicum exitum habeat, quisq³
 huic indulgens vitio diligenti cogitatione comple-
 cti, atq³ perpulchrum illud Nazianzeni dictum:
 Talis esto erga amicos & proximos, quales erga te
 illos esse vis, in animum reuocare vellet: in obtre-
 ctando nō tàm facilis, promptus & princeps esset, sed
 illam cane & angue peiorē vitaret: Sed nescio quo
 fato

fatohi ἀντιπληττοι ἐπανόρθωται ducuntur, in aliorum li-
mandis & euentilandis nauis Argo oculatiores
sunt, in propriis autem vel Leberide caciores. An-
non igitur felices reputandi, qui ab hoc pestifero
vitio linguam suam cohibere norunt? illi verò in-
felices & stulti, qui seipsos, nulla urgente necessita-
te, tristissimo periculo obijciunt, quo peruerso studio
non modò in seuerissimum Dei iudicium incurrūt,
verum etiam omnibus prestantissimis donis, quibus
homo præ ceteris creaturis pollet, ita futili & vi-
rulenta lingua se exuunt, ut planè in ijs ea oblite-
rata & extincta videantur. Cogitate, in homi-
ne omnia tam conuenienti, maximeq; decenti
modo & ordine à summo illo omnium rerum con-
ditore atq; opifice Deo disposita esse, ut μικρὸς δι-
catur κόσμος: hanc igitur pulcherrimam harmoni-
am execrabili illo Calumnie vitio dissoluere caue-
amus. Moueant nos cùm Philosophorum, tum
Christi, sanctissimorumq; patrum grauissima di-
cta & comminationes horrendæ, ut veritatem, o-
mnium bonorum fontem, ut Plato eam appellat,
exosculemur, calumniam verò cum suis affectis
& sororibus, omnium malorum sentinam, asper-
nemur

nemur & fugiamus. Fingamus veritatem laceratis præ dolore capillis stantem, ora, vultumq; lachrymis commaculantem, sinum guttis explentem, non absq; singultibus imis nos ad se vocantē. Huius lachrymis potius obtemperemus, quæ nihil non tentat, ut quàm fieri poterit diutissimè in suo decore & honore homo persistat: nobilissima huius, inquam, nos verè moveant lachrymæ potius, quàm nefanda istius bestia, Calumniæ scilicet, doli fucati, quæ non modò dignitati, famæ, opibus insidiari satis iudicat, nisi & totum hominem prorsus evertit & pessum dederit. Sunt profectò huius pestiferi vitij tot doli atq; technæ callidissimæ, quibus hominibus sua porrigit venena, ut quò plures recensuerim, eò plures mihi restare videantur. Verùm ne vestris dignitatibus hac mea ieiuna oratiuncula negotium faceffam, aut nauseam moveam, libenter hic vela contraho, quàm possum suppliciter ac demissè rogans, ut quæ hætenus de rebus tam serijs, ut potui, non ut volui, aut oportuit, balbutiui, bono, æquoq; animo suscipere, ac interpretari ne dedignemini.

DIXI.

E

Epi-

Epigramma

IN ORATIONEM DE CALUMNIA

Multa suo lædit damnata calumnia
morsu,
Exprimere in vita quæ tamen ipsa nequit.
Sanctius ergo facit, longèque beator
ille est,
Pectore qui causas candidiore probat.
Quisque suos patitur manes, qui viuit in orbe,
Nec nisi post mortis tempora purus erit.
Iæc bene tu tractas, bene pingis, amice MAGISTER,
Vnde tibi magno surget honore decus.

*Wolfgangus Franzius, SS. Theolog. Licentiatus, &
pro tempore Collegij Philosophici Decanus.*

PARODIA

DE LINGVA,

Scripta


a

M. CAROLO GEORGIO BANGIO.

Multos labe sua conspurcat mundus iniquus,
Et lingua effrenis dira venena vomit.
Sic ut ad extremam labem nil fortè superfit,
Infami reddens secula nostra dolo.

Quippe

1740 18
Quippe facit pugiles, versantes omnia fraude,
Lingua ut prostituant dona stupenda Dei:
Et Satan in fraudes, lites, periuria, linguam
Traducit, turbas atque cieere facit.
At cur libertas, tam fædo crimine leta,
O pietas! lingua tam scelerata viget.
Posse domare malam, sed cur rarissima virtus,
Linguam? seu laxa ponere frena graue?
Cum tamen & stringi proiectè pessimus, uni
Sæpe retractando se patiatur equus.
Atque graui pressam possimus pondere navim
Corripere ad nutum per sua vela vadis.
Punica fraus lingua sola eleuat omnia sursum,
Conuincens summis vera subinde dolis.
At veteris possum documenta arcessere fama,
Quam retulit pensum lingua dolosa malum.
Amanni capiti condictum crimen adhasit,
Quod sibi suggestit prodere lingua loquax:
Nam proprii sceleris damnata piacula sumsisit
Constrictus laqueo colla tenella suo.
Ergo, tranquillam cupientes ducere vitam,
Perdiscant lingua apponere vincla sua.
Nasuti caueant semper mendacia vulgi,
Nec dubios fundant ore tremente sonos.
Virtutem augustam, quæ dicta à pondere veri est,
Sequentur, vitæ & commoda magna ferant.
Assiduò magni tractent oracla Tonantis,
In celsò capiant gaudia blanda polo.



Quia

lac

M

[Faint, mostly illegible text in a Gothic script, likely Latin, covering the majority of the page. The text is arranged in several horizontal lines.]

1740.

5
2 13